

Mama di Natalee Holloway a entrega keho contra di Deepak Kalpoe

ORANJESTAD(AAN): For di bon fuentenan, DIARIO a haya confirmacion, cu mama di Natalee Holloway, Beth Twitty, a entrega keho contra Deepak Kalpoe.

Ta asina cu despues cu Deepak Kalpoe a entrega un keho contra di Beth Twitty, e señora a bay Warda di Polis ayera merdia, pa wordo scucha pa polis.

Deepak a acusa e mama di Natalee, cu el a menaze y intimide, pues e mama a splica polis cu esaki no ta berdad.

Mirando cu— segun e mama— Deepak ta gaña, el a dicidi na su turno di entrega un keho riba e acusacionnan falso cu Deepak a hasi contra su persona("valse aangifte"). Awor cu esaki a tuma lugar, ta keda na Ministerio Publico y polis pa bay investiga esaki mas di acerca y determina kico lo sosode den e caso aki.

